

## 2018-imut nammineerluni nalunaarsuiffimmut (S1 aamma S1U) nalunaajaat

### **Kikkut 2018-imut nammineerluni nalunaarsuiffimmik immersuisussaappat?**

Inuit 2018-imi nunatsinnut akileraartussaataasimagunik, tamarmik 2018-imut nammi-neerluni nalunaarsuiffimmik nassiussisussaannngillat.

Isertitanut paasissutissat aalajangersimasut ilaat 2018-imut nammineerluni nalunaarsuiffimmut Akileraartarnermut Aqutsisoqarfimmit ikkussorneqareerput. Paasissutissat ikkussuunneqartut aningaasanngorlugit katinneri nammineerluni nalunaarsuiffimmi sammisani ataasiakkaani nalunaarsorsimapput. Paasissutissat ikkussoriikkat ajunngin-nersut misissussavatit.

Paasissutissat nammineerluni nalunaarsuiffimmi ikkussoreersimasut eqqortuuppata aammalu ilassutissaqanngikkuvit, nammineerluni nalunaarsuiffiup nassiunnissaa pisariaqanngilaq.

Sulinermik inuussutissarsiutilinnut soraarnerussutisialinnullu amerlanerpaanut paasissutissat ikkussoriikkat naammassapput. Taamaattumik inuit pineqartut taakkua qulakkiissavaat paasissutissat eqqortuunersut, taamalu eqqortuuppata tamakkiisuuppatalu iliuuseqaq-qinnissaq pisariaqarani.

Tamatuma saniatigut atuuppoq sulinermik inuussutissarsiutilinnut killilimmik akileraar-tussaataasunut, nammineerluni nalunaarsuiffik nassiuttariaqanngimmassuk immikkut pissutsinik atuuttoqartinnagu. Kalaallit Nunaannut killilimmik akileraartussaataaguit, assersuutigalugu pigisamik aalaakkaasumik attartortitannik pigisaqarlutit, taava nammi-neerluni nalunaarsuiffimmik Akileraartarnermut Aqutsisoqarfimmut nassiussissaatit.

Ukioq akileraarfik 2018-imiit nammineerluni nalunaarsuut marlunnik immikkoortinneqalerpoq. S1 akissarsiortunut S1U-lu inuinnarnut inuussutissarsiummik ingerlataqartunut. Taamaattorli quppernerit siulliit pingasut S1 assigaa.

Akileraartarnermut Aqutsisoqarfiup Innuttaasunut Sullissiviani paasissutissat sukumiinerusut pissarsiarineqarsinnaapput. Nammineerluni nalunaarsuiffik qupperneq 1-imi allassimavoq oqarasuaatip normua mail-erfissarlu.

**Nammineerluni  
nalunaarsuiffiup  
nassiunnera**

Ukioq manna nammineerluni nalunnarsuiffik innuttaasut allakkatigut, telefax, e-mail aqqutigalugu nassiussinnaavaat imaluunniit Akileraartarnermut Aqutsisoqarfiup nammi-neq-toortaalluni-aaqqinera [www.aka.gl](http://www.aka.gl)-imiittoq atorlugu imaluunniit NemID [www.sullissivik.gl](http://www.sullissivik.gl) – imi imminut sullilluni allannguuteqarnikkut, ilassuteqarnikkut imaluunniit nammineq nalunaarsuiffik akuerineratigut.

Aaqqiineq [www.aka.gl](http://www.aka.gl)-kut: Nammineerluni nalunaarsuiffiup saqqaani isissutissaq naqereersimavoq, taanna inuup normualu atorlugu allannguteqarsinnaanermut il.il. isissutaassaaq.

Nammineerluni nalunaarsuiffik nammineq aggiukkukku, e-mail-ikkut fax-ikkulluunniit nassiukkukku atsiornissaa eqqaamassavat.

**Aappariit katissimasut**

Aappariit katissimasut ataatsimut akileraartussaataitanerat 1. januar 2008 aallarnerfigalugu atorunnaarsinneqarpoq, taamaammat aappariit katissimasut immikkut 2018-imut aningaa-sarsiaminnik aningaasartuutiminnillu nammineerluni nalunaarsuummik nassiussissapput.

**Meeqqat**

Meeqqat 1. januar 2018-imi suli 15-inik ukioqalersimangitsut, nalinginnaasumik nammi-neerluni nalunaarsuiffimmik immersuisussaangikkaluarpot. Akileraaruteqaataasussanilli aningaasarsiaqarsimagunik, aningaasarsiatik il.il. pillugit nammineerluni nalunaarsuiffik immersussaavaat. Immersugassamik nassitsissimangikkunik, Akileraartarnermut Aqutsisoqarfiup Innuttaasunut Sullissivianut saaffiginninnikkut imaluunniit nittartakkami [www.aka.gl](http://www.aka.gl)-imi pissarsiarisinnaavaat.

**Nammineerluni  
nalunaarsuiffimmi suut  
ilanngunneqassappat?**

2018-imi isertitatit akileraaruteqaataasussat aningaasartuutillu ilanngaatigineqarsinnaasut tamaasa ilanngutissavatit. 2018-imi ukiup ilaannaa akileraartussaasimaguit, piffissami tassaniinnaq isertitat il.il. ilanngutissavatit.

Akileraartarnermut Aqutsisoqarfiup ersarissassavaa, nammineerluni nalunaarsuiffimmi paasissutissanik mianersuaalliorluni eqqunngitsumik paasinerluutaasinnaasumilluunniit nalunaarsuisoqarpat, pineqaatissanik pillaaateqartitsineqarsinnaammat.

**Aningaasarsiat B-t akileraarutitaqanngitsut aammalu ilanngaat aalajangersimasoq** Sammisat taakkua nalunaarsuiffissaqanngillat. Qarasaasianik akileraarusiinermi atortoris-saarutaasunik naatsorsorneqarlutillu ilanngaatiginissaat isumagineqassapput aningaasarsiat akileraaruteqaataasussat naatsorsorneqarneranni.

2018-imi aningaasarsiat B-t akileraarusigassaannngitsut annertussuseqarput 5.000 koruuninik aammalu ilanngaat aalajangersimasoq inummut ataatsimut 10.000 koruuninik annertussuseqarluni. Kisitsisit taakkua ukiumoortuupput. Taamaattumik ukioq ilivitsoq inorlugu akileraartussaataasimaguit piffissamut tassunga naleqquttumik kisitsisit millilerneqassapput.

Aappariit aappaata aningaasarsiat B-t akileraarutitaqanngitsut imaluunniit ilanngaat aalajangersimasoq aningaasarsiat akileraaruteqaataasussat naatsornerini tamakkiisumik atorsinnaanngippagit atunngitsuukkat qarasaasiatigut ingerlaannartumik aappariit aappaanut nuussineq pissaaq.

Aningaasarsiat B-t akileraarutitaqanngitsut imaluunniit ilanngaat aalajangersimasoq aap-pariit atorsinnaanngippatigit nuussineq pinaviannngilaq.

**Nalornisaqarpit?** Nammineerluni nalunaarsuiffiup immersornissaanut nalornissuteqaruit, Akileraartarnermut Aqutsisoqarfiup Innuttaasunut Sullissivianut saaffiginninnikkut apeqquteqarsinnaavutit. Oqarasuaatikkut saaffiginninnerit pissapput normumut 34 65 10-mut.

Taamaattoq nammineerluni nalunaarsuiffik aammalu una ilitsersuut atuarukku, nalingin-naasumik eqqortumik immersorsinnaassavat.

**Nammineerluni nalunaarsuiffimmi (qupperneq 2 aamma 3 tamanut aammalu qup. 4 S1U-mi) sammisanut ataasiakkaanut nalunaajaatit**

**Aningaaserivimmi konto** Qup. 1-imi aningaaserivimmi reg. nr. aamma konto nr. allassavat, taamaalillutit akileraarpallaarsimanermi utertoortissanik pissaqassaguit 31. august 2019 tigunissaaanut qulakkiissavat.

**Akileraarutissat sinneri nuutat** Qup. 1-imi 2016-mut akileraarutissat sinneri siumoortumik nalunaar-sortinnermi ilanngunneqarsimasut nalunaarutigineqarput.

**10** Sammisami tassani 2018-imi sulinermi akissarsiat katinneri Akileraartarnermut Aqutsisoqarfiup nalunaarsorpai.

Aningaasarsiat amerlanertigut aningaasarsiat allagartaani sammisaq 110-imiittumi takuneqarsinnaapput, sulisitsisorisannit januar 2019-imi pissarsiarisanni.

Aningaasat naqeriikkami taaneqartut isumaqatiginngikkukkit sammisaq 10-mi eqqortut nalunaarsussavatit.

Sulisitsisorisat pisussaatitaavoq akissarsiat allagartaanik tunniussissalluni, tassani iserti-tarisimasat ukiumoortut il.il. takuneqarsinnaapput. Pisussaatitaavutit isertitarisimasat ta-makkiisut nammineerluni nalunaarsuiffimmut nalunaarsussallugit, akissarsiat allagartaat ukiumoortut pissarsiarisimangikkaluarlugilluunniit. Tamaaliorisinnaavutit ukiup ingerla-nerani aningaasarsiat allagartaat pissarsiarisimasatit tunngavigalugit.

Akileraartarnermut Aqutsisoqarfiup nammineq-toortaalluni-aaqqiissutaa [www.aka.gl](http://www.aka.gl)-imiittoq atorlugu akissarsiat allagartaat nalunaarutigineqarsimasut nalunaarsorsimaneeri takusinnaavatit.

**11** Sammisami tassani 2018-imi pisortanit ikiorsiissutit katinneri Akileraartarnermut Aqutsisoqarfiup nalunaarsorpai. Aningaasat taakku isertitat A-jupput, kisiannili akileraaruteqaataasussat naatsorsorneqarneranni immikkut naatsorsueriaatsinik maleruagassaqarlutik.

Aningaasarsiat akissarsiat allagartaani, sulisitsisorisannit januar 2019-imi tigusimasanni, sammisaq 114-mi takuneqarsinnaapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 11-mut nalunaarutigissavatit.

**12** Sammisami tassani tjestemand-itut pension-it, ATP pension-illu allat katinneri Akileraartarnermut Aqutsisoqarfiup nalunaarsorpai.

Aningaasarsiat akissarsiat allagartaani, sulisitsisorisannit januar 2019-imi tigusimasanni, sammisaq 110C-mi takuneqarsinnaapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 12-mut nalunaarutigissavatit.

**13** Sammisami tassani utoqqalinersiat katinneri Akileraartarnermut Aqutsisoqarfiup nalunaarsorpai.

Aningaasarsiat akissarsiat allagartaani, kommunerisannit januar 2019-imi tigusimasanni, sammisaq 111-mi takuneqarsinnaapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 13-mut nalunaarutigissavatit.

**14** Sammisami tassani siusinaartumik pensionit katinneri Akileraartarnermut Aqutsisoqarfiup nalunaarsorpai.

Aningaasarsiat akissarsiat allagartaani, kommunerisannit januar 2019-imi tigusimasanni, sammisaq 112-mi takuneqarsinnaapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 14-mut nalunaarutigissavatit.

**15** Sammisami tassani suliffeqanngikkallarnermi ikiorsiissutit katinneri Akileraartarnermut Aqutsisoqarfiup nalunaarsorpai.

Aningaasarsiat akissarsiat allagartaani, sulisitsisorisannit januar 2019-imi

tigusimasanni, sammisaq 113-mi takuneqarsinnaapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 15-mut nalunaarutigissavatit.

**16**

Sammissami tassani nunani allani soraarnerussutisiassatigut aaqqissuussinermut akiliutit katinneri Akileraartarnermut Aqutsisoqarfiup nalunaarsorpai.

Aningaasarsiat akissarsiat allagartaani, sulisitsisorisannit januar 2019-imi tigusimasanni, sammisaq 110a-mi takuneqarsinnaapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 16-mut nalunaarutigissavatit.

**17**

Sammissami tassani nunani allani soraarnerussutisiassatigut aaqqissuussinermut akiliutinut tapiissutit, akileraarutit pillugit inatsisartut inatsisaata allanngortinneqarneranik Inatsisartut inatsisaat nr. 7, 6. juni 2016-imeersoq, § 2 malillugu, katinneri Akileraartarnermut Aqutsisoqarfiup nalunaarsorpai.

Aningaasarsiat akissarsiat allagartaani, sulisitsisorisannit januar 2019-imi tigusimasanni, sammisaq 110b-mi takuneqarsinnaapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 17-mut nalunaarutigissavatit.

**18**

Sammissami tassani GIS-imit/DIS-imit isertitatit tamakkiisut Akileraartarnermut Aqutsi-soqarfiup nalunaarsorpai. Aningaasarsiat allagartaani, sulisitsisorisannit januar 2019-imi tigusimasanni, sammisaq 115-mi takuneqarsinnaapput.

Aningaasat taakku isertitat A-jupput, kisiannili akileraaruteqaataasussat naatsorsorneqar-neranni immikkut naatsorsueriaatsinik maleruagassaqarlutik.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 18-imut nalunaarutigissavatit.

19

Allanik A-nik isertitaqarsimaguit sammisaq 19-imi nalunaarsussavatit.

20

Erniasiat Kalaallit Nunaanniit, Danmark-imit imaluunniit nunanit allaneersut ilanngun-neqassapput.

Sammissaq 20-mi aningaaserivimmi uninngasuutinit erniasiat Akileraartarnermut Aqutsi-soqarfiup nalunaarsorpai. Taakku tassaasinnaapput aningaasarsianut konto-miit, ileqqaa-gaqarnermi konto, kiisalu konto meeqqanut ileqqaartitsinermi aaqqiinernerisut assigisaanillu.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 20-mut nalunaarutigissavatit.

Suliffiuteqarfiup erniasiai sammisaq 126a-mi, qupperneq 4-miittumi, nalunaarneqassap-put.

Malugeqquneqarpoq **danskit aningaaseriviini assigisaanilu** soraarnerussutisiaqarnissa-mut aaqqissuussinernit (assersuutigalugu taaneqarsinnaapput: ileqqaakkat soraarninngor-nermi agguaqatigiissaarlugit tunniunneqartartut, ileqqaakkat tunniunneqalernerminni akit nikerarneri tunngavigalugit angissusilerneqartussat, soraarnerussutisiaqalernissamut ileq-qaakkat, soraarninngornermi ataatsikkut tunniunneqartussat) aamma soraarninngornissa-mut ileqqaakkat nammineq annertussusii aalajangikkat) kiisalu Lønmodtagernes Dyrtids-fondimi uninngasuutit erniaat aningaasarsiat akileraaruteqaataasussat naatsorsorneqarne-rini ilanngunneqassanngimmata.

**Akileraartussaataitaanerup aallartinnerani imaluunniit toqumik pissuteqanngitsu-mik kipinerani erniatigut isertitat piffissamut akileraartussaasup akileraartussaaf-figisaanut tunngassuteqartut aningaasarsiat akileraaruteqaataasussat naatsorsor-neqarnerini ilanngunneqassapput.**

**Assersuut 1:** Akileraartussaataitaaneq **aallartippoq** 1/7-mi. Erniatigut isertitat ukiumoor-tut 6.000 koruuniupput. Piffissamut 31/12 -imiit 1/12 imut ulloq ernialiiffiusoq tassaavoq 31/12.

Piffissami akileraartussaataaffimmi (1/7-miit 31/12-imut)  
 ernialiuuneqartut 0 kr.  
 Erniatigut isertitat piffissamut akileraartussaataaffimmut  
 tunngasut: kr. 6.000/12 x 6 = 3.000 kr.  
 Ukiumi tikiffimmi (akileraartussaataanerup allartiffiani)  
 erniatigut isertitat akileraarusersorneqartussat 3.000 kr.

Ukioq 2018 tamaat akileraartussaagaanni kiisalu pissutsit allat  
 allannguuteqarsimangippata, taava 2018-imut erniatigut isertitat  
 akileraaruserneqartussat ima naatsorsorneqassapput:

2018-imi erniatigut isertitat (31/12-mi) 6.000 kr.  
 taakkunanga 2019-imut tunngassuteqartut:  
 kr. 6.000/12 x 3 = -3.000 kr.  
 Erniatigut isertitat 2018-imi akileraarusersorneqartussat 3.000 kr.

**Assersuut 2:** Akileraartussaataaneq **kipivoq** 31/8-imi. Erniatigut  
 isertitat ukiumoortut 9.750 koruuniupput. Piffissamut 1/1-imiit 31/12  
 2018-imut ulloq ernialiiffiusoq tassaa-voq 31/12 2018.

Piffissami akileraartussaataaffimmi (1/1-imiit 31/8-imut)  
 ernialiuuneqartut 0 kr.  
 Erniatigut isertitat piffissamut akileraartussaataaffimmut  
 tunngassuteqartut: kr. 9.750/12 x 8 = 6.500 kr.  
 Ukiumi aallarffimmi (akileraartussaataanerup kipiffiani)  
 erniatigut isertitat akileraarusersorneqartussat 6.500 kr.

Inatsisartut inatsisaanni nr. 18, 3. november 1994-imeersukkut  
 pisassarisanit, Akileraartarnermut Aqutsisoqarfiup angissusiligaanit erniat  
 minnerpaaffissaannit ikinnerusunik ernialerlugit pilersinneqartunit,  
 iluanaarutit nalinga qaffariarnerisigut akileraaruser-sorneqartarneri  
 pillugit malittarisassat atulersinneqarput. Malittarisassaq pisassarisanut 4.  
 oktober 1994-imi kingusinnerusumiluunniit tunineqartunut,  
 akilerneqartunut makinne-qartunulluunniit sunniuteqarpoq.  
 Aalajangersagaq inatsimmi qulaani taaneqartumiittoq Inatsisartut  
 inatsisaanni nr. 12, 2. november 2006-imeersumi ingerlateqqinneqarpoq.



Sammissaq 21-mi obligationinit imaluunniit qularnaveeqquusiussaqarluni taarsigassarsi-nermi allagartat toqqorsivimmiittunit erniasiat Akileraartarnermut Aqutsisoqarfiup nalunaarsorpai.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 21-mut nalunaarutigissavatit.

Aammalu sammissaq 20-mi nalunaajaatit takukkit.

**29**

Erniatigut isertitat allat nunatsinniit, Danmarkimiit nunanilu allaneersut tamarmik ilan-ngunneqassapput sammissaq 29-milu nalunaarsorneqassallutik. Assersuutigalugu ernia-tigut isertitat inuinnaat akornanni taarsigassarsisitsineersut.

Aammalu sammissaq 20-mi nalunaajaatit takukkit.

**30**

Sammissami tassani 2018-imi ilinniagaqarnersiutisiat Akileraartarnermut Aqutsisoqarfiup nalunaarsorpai.

Aningaasarsiat akissarsiat allagartaani, sulisitsisorisannit januar 2019-imi tigusimasanni, sammissaq 140-mi takuneqarsinnaapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 30-mut nalunaarutigissavatit.

Ilinniagaqarnersiutit aningaasarsiat B-jupput.

**31**

Sammissami tassani 2018-imi ilaqutariinni inissiisarnermi paaqqinninersiutit Akileraar-tarnermut Aqutsisoqarfiup nalunaarsorpai.

Aningaasarsiat akissarsiat allagartaani, sulisitsisorisannit januar 2019-imi tigusimasanni, sammissaq 141-mi takuneqarsinnaapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 31-mut nalunaarutigissavatit.

**32**

2018-imi aapparimasamit angajoqqaajusumilluunniit akilersuutisianik il.il. pissarsisi-maguvit sammissaq 32-mi nalunaarsussavatit.

**33** 2018-imi aktiat Danmark-imeersunit nunani allaneersunillu iluanaarutaannik pissarsisimaguit sammisaq 33-mi nalunaarsorneqassapput.

Iluanaarutisiannik Danmark-imit imaluunniit nunanit allaneersunit iluanaarutisianik aki-leraarusaasimaguit, qinnuvigineqarputit akileraarsimanermut uppersaammik ilanngusseqqullutit.

**34** 2018-imi nunanit allanit allanik aningaasarsiaqarsimaguit sammisaq 34-mi nalunaarsorneqassapput.

Nunanit allanit aningaasarsiannit akileraarutininik akiliisimaguit akileraarsimanermut uppersaammik ilanngussisaatit, taanna ukiumoortumik nalunaarutaassaaq assigisaaluunniit nunami pineqartumi atuuttoq.

**36** 2018-imi akeqanngitsumik angalanermik (-nik) pissarsisimaguit, nalinga sammisaq 36-mi nalunaarsorneqassaaq.

Aningaasarsiat akissarsiat allagartaani, sulisitsisorisannit januar 2019-imi tiguisimasanni, nalinga sammisaq 150-mi nalunaarsorneqarsimasinnaavoq.

Ukiumoortumik angalatitaaneq sulisitsisunit privatinit pisortanilluunniit akilerneqartoq Kalaallit Nunaanni tjenestemandimut maleruagassat atuuttut naapertorlugit akileraarute-qaataasussaannilaq.

Kalaallit Nunaanni tjenestemandinut maleruagassat atuuttut sinnerlugit sulisitsisunniit akilerneqartumik akeqanngitsumik angalatitaaguit angalanerit tamakku nalingat inummut ataatsimut angalanermut ataatsimut 17.300 koruuninik naatsorsorlugit ilanngutissavatit, taamaattoorli meeqqamut 2-miit 11-nik ukiulimmut meeqqamut ataatsimut 8.650 koruunit marlunnillu ukioqalersimanngtsumut ataatsimut 1.730 koruunit.

Inuit kommunit aggornerisa avataanni atorfeqartut, soorlu Pituffimmi akeqanngitsumik angalanerat, Naalakkersuisut aalajangerpaat akeqanngitsumik angalanerit nalingat akile-raaruteqartinneqassagunik inummut ataatsimut angalanermut ataatsimut 2.000 koruuni-ussasoq.

Angalanerli ingerlanneqarsimappat uppernarsaatissalimmik siuliini taaneqartunit akikin-nerusumik, taava akikinnerusumik angalasimanerup nalinga kisimi akileraarusersorneqassaaq.

37 Pensionskasse-niit 2018-imi gruppeliv-imik pissarsisimaguit sammisaq 37-mi nalunaarsorneqassaaq.

38 Inigisavit attartortinnerani isertitaqarsimaguit sammisaq 38-mi nalunaarsorneqassaaq.

39 Allanik aningaasarsiat B-nik isertitaqarsimaguit, soorlu nunatsinni inissiap nalinga nammineq pigisaq aalaakkaasumit, 2018-imi tunissutit akileraaruteqaataasussat, isertitat taamaattut sammisaq 39-mi nalunaarsorneqassapput.

Aningaasarsiat akissarsiat allagartaani, sulisitsisorisannit januar 2019-imi tiguisimasanni, sammisaq 155-imi takuneqarsinnaapput.

Nammineq illuummi inigisap aningaasatigut nalinga aatsaat ilanngunneqartassaaq illuutigisap initussusiata affaa sinnerlugu piginnittup inuussutissarsiummik ingerlatsineranut atorneqarpat. Akileraarusiineqassappat Kalaallit Nunaanni inissianut attartortittakkanut maleruagassatut akigititat atuuttut il.il. najoqqutarineqassapput. Maleruagassatut akigititat taakku Innuttaasunut Sullissivimmuut paasiniarneqarsinnaapput.

40 Tassani 2018-imi akeqanngitsumik ilaannakortumilluunniit nerisaqarnerup Akileraartar-nermut Aqutsisoqarfiup nalunaarsorpaa, sulisitsisorisannit akissarsiat allagartaani nalu-naarutigineqartut tunngavigalugit.

**Sulinermut atatillugu akeqanngitsumik nerisaqarnerup nalinga inummumut ataatsi-mut ukiumut:**

Nerisaqarnerup ukiumut..... 34.700 kr.

Tamakkiisumik nerisaqarnerup ullormut. .... 99 kr.

Ilaannakortumik nerisaqarnerup ullormut (nerisat marluk)... 74 kr.

Ilaannakortumik nerisaqarnerup ullormut (nerineq ataaseq). 55 kr.

**Pensionistinut il.il. akeqanngitsumik nerisaqarnerup nalinga:**

Utoqqaat illuini najugaqartunut inuillu allat isumaginninnermi inissiisarfirmiittut il.il. akeqanngitsumik nerisaqarnerisa nalinga inummut ataatsimut ukiumut 27.800 koruuninut annertussusilerneqarpoq.

Atorfeqartitaasup ullut qassit nerisaqartitaasimanersoq nalinginnaasumik akissarsiap al-lagartaani A11-mi takuneqarsinnaavoq. Aningaasarsiat akileraaruteqaataasussat naatsor-sornerini atugassaq akinut naligititanullu takussutissiaq skema S 2a-mi allattorsimapput, taannalu aamma [www.aka.gl](http://www.aka.gl)-mi takuneqarsinnaavoq. Akiusut taakkua ukioq naallugu atuuttuupput, taamaattumik ukioq ilivitsaq inorlugu nerisaqartinneqarsimagaanni pif-fissamut tassunga naleqquttumik kisitsisit millilerneqassapput.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 40-mut nalunaarutigissavatit.

41

Sammissami tassani 2018-imi akeqanngitsumik ilaannakortumilluunniit akilerlugu ineqar-neq Akileraartarnermut Aqutsisoqarfiup nalunaarsorjaa, sulisitsisorisannit akissarsiaavit allagartaani nalunaarutigineqartut tunngavigalugit.

Akeqanngitsumik ineeqqamik, inissiaaqqamik (ineeraq igaffeerartalik), inissiaavittut taa-neqarsinnaanngitsumik, najugaqartitaaneq 2018-imut 16.100 koruuninut nalilerneqarpoq. Pisortaatitanut, hoteldirektørinut assigisaanullu, immikkut naliliussaqqat atuuppoq, akeqanngitsumik najugaqarsimagaanni. Inummut ataatsimut ukiumut nalinga 56.900 koruuniuvoq. Kisianni meeqqat ukiup aningaasarsiorfiup aallartinnerani 12-inik ukioqalersiman-ngitsut akiusup affaanut naatsorsuunneqassapput. Immikkut pissutissaqartillugu akiusut sanioqqunneqarsinnaapput.

Aningaasat annertussusaat naqeriikkamiittut isumaqatiginngikkukkit, sammissaq 41-mi aningaasat eqqortut nalunaarsussavatit.

42

Sammissami tassani 2018-imi akeqanngitsumik imaluunniit ilaannakortumik akilerlugu ineqarneq, utaqqiisaasumik ineqarneq Akileraartarnermut Aqutsisoqarfiup nalunaarsor-paa, sulisitsisorisannit akissarsiaavit allagartaani nalunaarutigineqartut tunngavigalugit.

Akeqanngitsumik ilaannakortumilluunniit akilerlugu inigisaq, utaqqiisaasumik inigisaq atuisumut akileraarusersorneqassaaq. Nalinga akileraarusersorneqartussaq inigisamut akiliutaasimasup inissianullu attartortakkanut 31. december 2018-imi akigitat pineqartut Akileraartarnermut Aqutsisoqarfiup Innuttaasunut Sullissivianut paasiniarneqarsinnaapput, immikkulli pissutissaqartillugu akiusut sanioqqunneqarsinnaapput.

Taakku saniatigut kallerup innerata, kiassarnerup (uuliap) imeqarnerulluunniit nalingi ilanngunneqassapput pineqartut sulisitsisumit akilerneqartarsimappata.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 42-mut nalunaarutigissavatit.

**43**

Sammissami tassani 2018-imi akeqanngitsumik ilaannakortumilluunniit akilerlugu tele-foneqartitaanerup nalinga Akileraartarnermut Aqutsisoqarfiup nalunaarsorpaa, sulisitsi-sorisannit akissarsiaavit allagartaani nalunaarutigineqartut tunngavigalugit.

Akeqanngitsumik telefoneqartitaanerup inummut ataatsimut ukiumut 7.500 koruuninik naleqarpoq.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 43-mut nalunaarutigissavatit.

**43a**

Sammissami tassani 2018-imi akeqanngitsumik internettersinnaatitaanerup nalinga Akile-raartarnermut Aqutsisoqarfiup nalunaarsorpaa, sulisitsisorisannit akissarsiaavit allagar-taani nalunaarutigineqartut tunngavigalugit.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 43a-mut nalunaarutigissavatit.

**44**

Sammissami tassani 2018-imi akeqanngitsumik ilaannakortumilluunniit akilerlugu biile-qartitaanerup nalinga Akileraartarnermut Aqutsisoqarfiup nalunaarsorpaa, sulisitsisori-sannit akissarsiaavit allagartaani nalunaarutigineqartut tunngavigalugit.

Qamutit motorillit sulisitsisumit atugassaritinneqartut nalingat tassani

ilanngunneqassaaq. Naligititaaq ukiumoortoq aallaavigalugu ilanngunneqartassaaq. Taanna naligitin-neqartoq millilernerqarsinnaavoq ukiup ilaannaa atorfeqartitaanerup nalaani privatimik atugassaritinneqarsimappat imaluunniit atorneqarsinnaanera aqqusineqarnikkut il.il. annertuumik killeqartinneqaraangat.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 44-mut nalunaarutigissavatit.

- 45 Sammisami tassani 2018-imi akeqanngitsumik angallateqartitaanerup nalinga Akileraartarnermut Aqutsisoqarfiup nalunaarsorpa, sulisitsisorisannit akissarsiavit allagartaani nalunaarutigineqartut tunngavigalugit.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 45-mut nalunaarutigissavatit.

- 49 2018-imi atorfeqarninnut atatillugu allanik akeqanngitsunik ajunngitsorsiaqartitaasima-guit nalingi sammisaq 49-mi nalunaarsorneqassapput.

- 50 Akiitsut erniaat taakkunungalu atatillugu sullissinermut matussutissatut ingerlaavartu-mik ernialiuttakkat ilanngaatigineqarsinnaapput, matumani apeqqutaatinnagu akiitsut inuutissarsiornermi privatimilluunniit taarsigassarsiaaneri. Erniat il.il., inuussutissarsior-nermi taarsiasarsianut tunngasut sammisaq 126b-mi, qupperneq 4-miittumi, nalunaarneqassapput.

Ernianut aningaasartuutit akiitsut pigisanik aalaakkaasunik qularnaveeqqusiilluni taarsi-gassarsitsisarfinneersunit sammisaq 50-imi Akileraartarnermut Aqutsisoqarfiup nalu-naarsorpai.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 50-imut nalunaarutigissavatit.

Naafferartumik akilersugassatut ernialiuunneqartartut pigisanik aalaakkaasunik Kalaallit Nunaanni inissisimasunik pisiaqarsimanermi, taarsigassarsiat erniaat ilanngaatigineqarsinnaapput.

Kisianni pigisaq aalaakkaasoq Kalaallit Nunaata avataani inissisimasoq

qularnaveequsiullugu taarsigassarsiat erniaat kiisalu pigisap aalaakkaasup Kalaallit Nunaata avataani inissisimasup pisiarineqarneranut ingerlanneranulluunniit atugassatut taarsigassarsiat erniaat ilanngaatineqarsinnaanngillat.

Akiitsut erniaat 2018-imi akiligassanngorsimasut kisimik ilanngaatineqarsinnaapput.

**Akileraartussaataitaanerup allartinnerani imaluunniit toqumik pissuteqanngitsumik kipinerani erniatigut aningaasartuutit piffissamut akileraartussaasup akileraartussaaffigisaanut tunngassuteqartut aningaasarsiat akileraaruteqaataasussat naat-sorneqarnerini ilanngaatineqassapput.**

**Assersuut 1:** Akileraartussaataitaaneq **aallartippoq** 1/6-mi. Qaammatit pingasukkaarlugit ernialiisoqartarpoq. Ullut ernialiiffiusut 31/3, 30/6, 30/9 aamma 31/12. Kingumoortumik ernialiunneqarsimapput 2.189 koruunit, 2.010 koruunit, 1.987 koruunit kiisalu 1.904 ko-ruunit.

Piffissami akileraartussaataitaaffimmi (1/6-miit 31/12-imut)

erniatigut aningaasartuutit akiligassanngortut:

kr. 2.010 + kr. 1.987 + kr. 1.904 = 5.901 kr.

Taakkunanga 1/4-miit 31/5-imut attuumassuteqartut:

kr. 2.010/ 3 x 2 -1.340 kr.

Ukiumi tikiffimmi (akileraartussaataitaanerup aallartiffiani)

erniatigut aningaasartuutit ilanngaattissat **4.561 kr.**

**Assersuut 2:** Akileraartussaataitaaneq **kipivoq** 3/11-imi. Qaammatit pingasukkaarlugit ernialiisoqartarpoq. Ullut ernialiiffiusut tassaapput 31/3, 30/6, 30/9 aamma 31/12. Kingumoortumik ernialiunneqarsimapput 2.100 koruunit, 2.000 koruunit 1.980 koruunit kiisalu 1.900 koruunit.

Ernianut aningaasartuutit ukioq tamaat 7.980 kr.

Piffissamut akileraartussaataitaafimmumut (1/1-miit 3/11-

imut) attuumassuteqartut: 31/3-mi, 30/6-mi 30/9-mi akili-gassanngortut tamakkiisumik ilanngaatineqassapput 6.080 kr.

Piffissamut 1/10-miit 3/11-mut attuumassuteqartut ilanngullugit ilanngaatineqassapput: kr. 1.900/92 x 34 (ullut amerlass.) 702 kr.

Ukiumi aallarffimmi (akileraartussaataitaanerup kipiffiani)

erniatigut aningaasartuutit ilanngaattissat **6.782 kr.**

51

Akiitsuut inuutissarsiutitut imaluunniit namminermut tunngasuuppata, akiitsuut erniaat ilanngaatigineqarsinnaaput. Akiitsuut inuutissarsiutitut tunngasut erniaat sammisami 126b-mi, qupperneq 4-miittumi, allanneqassapput.

Aningaaserivinnut, kontoqarnermut aaqqissuuusaaq qularnaveeqqusiussaqaarlunilu akiit-soqarnermi akiitsuut erniai tamarmiusut Akileraartarnermut Aqutsisoqarfiup sammisaaq 51-imi paasissutissiissutigai.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 51-imut nalunaarutigissavatit.

Aammali sammisaaq 50-imi oqaaseqaatit takukkit.

52

Akiitsuut inuutissarsiutitut imaluunniit namminermut tunngasuuppata, akiitsuut erniaat ilanngaatigineqarsinnaaput. Akiitsuut inuutissarsiutitut tunngasut erniaat sammisami 126b-mi, qupperneq 4-miittumi, allanneqassapput.

2018-imi ESU-mut (Inuussutissarsiutitut tapiisarnermut ataatsimiititaliaq) akiitsuppit er-niaasa katinneri Akileraartarnermut Aqutsisoqarfiup sammisaaq 51-imi paasissutissiissutigai.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 52-imut nalunaarutigissavatit.

Aammali sammisaaq 50-imi oqaaseqaatit takukkit.

53

Akiitsuut inuutissarsiutitut imaluunniit namminermut tunngasuuppata, akiitsuut erniaat ilanngaatigineqarsinnaaput. Akiitsuut inuutissarsiutitut tunngasut erniaat sammisami 126b-mi, qupperneq 4-miittumi, allanneqassapput.

2018-imi BSU-mut (Initaarniarnermut tapiisarnermut ataatsimiititaliaq) akiitsorisavit erniaasa katinneri Akileraartarnermut Aqutsisoqarfiup sammisaaq 52-imi paasissutissiissutigai.

Initaarniarnermut tapiissutinik attartukkat erniaannut atatillugu – kapitel II



atukkat – erniaasa ilanngaatigineqarsinnaanerat immikkut maleruagassaqartinneqarput, tassa erniat attartortup nammineq akiligassai kisimik ilanngaatigineqarsinnaammata. Akiligassat allagartaani takuneqarsinaavoq.

Aammali sammisaq 50-imi oqaaseqaatit takukkit.

59

Akiitsut allat erniai uani nalunaarutigineqassapput.

Aammali sammisaq 50-imi oqaaseqaatit takukkit

60

Sulinermik inuussutissarsiuteqartut peqatigiiffiinit ilaasortaanermut akiliut, aningaasar-siat akileraaruteqaataasussat naatsorsornerani ilanngaatigineqarsinnaavoq, suliffissaaruk-kallarnermulli sillimmat (A-kasse) kiisalu utoqqalinersiuteqarneq sioqqullugu soraarnerussutisiassanut ileqqaarutit (efterlønsbidrag) ilanngaatigineqarsinnaanngillat.

61

Soraarnerussutisiatigut inuunermullu sillimmasiissutitigut aaqqissuussinernut ingerlaa-vartumik inuuneq tamaat, toqunikkut unittussanik, pisartagaqarfigineqartartussanut akilersuutit, tamakkununga ilanngullugit aapparisaq qitornallu soraarnerussutisiassanit pisartagaqartinnissaannut kiisalu innarluutilittut ingerlaavartumik soraarnerussutisiassanut akilersuutit, taamaattorli ukiup aningaasarsiorfiup ilaani akilersuutit ilanngaatigine-qarsinnaasut annerpaaffissaat tassaassalluni piffissami tassani akissarsiat tamarmiusut, aapparisaq akissarsiai ilanngullugit, 20 procentiat.

Ilaatigut makku piunasaqaatini arlalinni eqquutitinneqarsimassapput:

1) Aaqqissuussinerit soraarnerussutisiaqarnissamut aningaasaateqarfimmi Kalaallit Nunaanni angerlarsimaffeqartumi pilersinneqarsimassapput, sillimmasiisarfeqarnerlu pillugu inatsimmi pineqartunut ilaasaaq. Aaqqissuussinerit inuunermut soraarnerussutisiaqarnissamullu sillimmasiisarfimmi Kalaallit Nunaanni angerlarsimaffeqartumi, sillimmasiisarfimmik ingerlatsisinnaanermik Finanstilsynimit akuersissummik peqassaaq.

2) Aningaaserivik Kalaallit Nunaanni angerlarsimaffeqartoq imaluunniit aalajangersimasumik ingerlatsiveqartoq,

aningsaaserveqarfimmillu nunami maani ingerlatsisinnanermik  
Finanstilsynimit akuersissummik peqartoq

Soraarnerussutisiaqarnissamut ileqqaarutit sulisitsisup (sulisitsisup  
ileqqaarnermut tapili-ussai ilanngullugit) akilertarpagıt taakku  
ilanngaatitut allanneqassanngillat, tassa taakku aningaasarsiat A-nit  
ilanngaatigineqareersarmata.

**Soraarnerussutisiaqarnissamut aaqqıssuussinernut ileqqaarutit  
nunani allani ingerlatsivinnersut (Kalaallit nunaaniittut pinnagit)  
ilanngaatigineqarsinnaanngillat.**

62

Aapparısımasamut qıtornanulluunıit akilersuutıt 2018-imılu  
akilersımasat anıngasarsıat akıleraaruteqaataasussat naatsorsorneranı  
ılanngaatıgıneqarsınnaappıt.

Ilanngaatigineqarsinnaannerınut pıumasaqaatavoq akılersuıffıgıneqartoq  
najúgaqatıgıneqassanngıtsoq aammalu akılersuutıt ukıumi  
anıngasarsıorfıusumi akıligassanngorsımal-lutıllu  
akılernerqarsımanıssaat.

**Aapparısımasamut qıtornanulluunıit akılıısınneqarnerannıt  
uppınarsaat.**

2018-imıt nammıneerlunı nalunaarummut qanoq anđıtıgısumık ukıup  
2018-ip ingerlaneranı aapparısımasamut qıtornanulluunıit  
akılıısınneqarsımanermık uppınarsaammık pısarıaqartıtısoqarunı  
Akıleraartarnermut Aqıtısoqarfımmı saaffıgınnıtıarfıanut , tlf, 34 65 10  
ımaluunıit [serviceafdelingen@nanoq.gl](mailto:serviceafdelingen@nanoq.gl), saaffıgınnıkkıt taakku  
naatsorneqarnerı nassıutıtınneqarsınnaappıt.

63

2018-imı ılaqıtarınnı ııssısarnermı paaqqınnınersıutıt katınnarı  
Akıleraartarnermut Aqıtısoqarfıup sammısaq 63-imı  
paasıssıtıssıssıtıgı.

**Ulluuneranı paaqqınnıtıarnermı ısertıtıt** tallımararterıtı (1/5)  
uppınarsaatıtıaqan-ngıtısumık ılanngaatıgıneqarsınnaappıt, taamaattorlı  
annerpaamık meeraq ataaseq qaam-mammıt 1.059 kr.

**Utaqqıısaasumık ılaqıtarınnı** aammalu **paaqqınnınermı**  
**oqılısaassınermıllu anıngasarsıat** nalıngı ılanngaatıgıneqarsınnaappıt.

**Paaqqinninnermi** aningaasarsiat nalinginnaasut uppersaatitaqanngitsumik ilan-ngaatigineqarsinnaapput nalinginnaasumik tunngaviusumik paaqqinninnermi aningaasarsiarititaasartut annertoqataat (meeqqanik inuusuttunillu ikiorsiisarneq pillugu Nammi-nersornerullutik oqartussat nalunaarutaanni nr. 17, 8. november 2017-imeersumi § 22, imm. 2 naapertorlugu tunniunneqartut). Aningaasartuutillu nalinginnaasumik tunngaviusumik paaqqinninnermi aningaasarsianit annertuneruppata taarsiullugu ilanngaatigineqarsinnaapput aningaasartuutit uppersaatitalit.

Aningaasat naqeriikkami taaneqartut isumaqatiginngikkukkit, kisitsisit eqqortut sammisaq 63-imut nalunaarutigissavatit.

**64** Uani 2018-imi avataasiortilluni nerisaqarnermut aningaasartuutigivallaakkatut akilersimasatit nalunaarutigissavatit.

**Nerisanut immikkut aningaasartuutit.**

Qanoq atsigisumik immikkut aningaasartuuteqarnermut najoqqutassaq ullormut ataatsi-mut immikkut aningaasartuuteqarsimaneq uppersaasikkap "akeqanngitsumik nerisa-qarnerup nalinga"-nut naleqqiunneqarnera, taamaalillunilu akiliutip "akeqanngitsumik nerisaqarnerup"-mut Naalakkersuisut ullormut naliliusnaanut naleqqiullugu sippuutaa ilanngaatigitinneqarsinnaavoq.

**65** Uani inigisamik attartortitsinermi 2018-imi aningaasartuutit nalunaarutigissavatit, tassani ernianut aningaasartuutit atukkanullu akilersukkat ilanngunneqassanngilat.

**69** Aningaasartuutit ilanngaatigineqarsinnaasut allat sammisaq 69-imut nalunaarutigisinnaa-vatit.

**Parnaarussanik isumaginninnermi aningaasartuutit** uppersaatitaqanngitsumik ilanngaatigineqarsinnaapput ulloq unnuarlu parnaarussamut ataatsimut 149 kr.

## **Nerisaqarnermut najugaqarnermullu aningaasartuutigivallaakkat ilanngaatiginerat**

Akilerartartoq suliaminut nalinginnaasumut atatillugu najukkami/angerlarsimaffimmi (Kalaallit Nunaanni) avataaniippat, tamatumanngalu atatillugu nerisanut il.il. immikkut aningaasartuuteqartariaqarsimappat (takuuk imm. a) kiisalu immikkut najugaqarnermut aningaasartuuteqarsimappat (takuuk imm. b) taamaattut **uppernarsaatitalerneqarsima-sut** ilanngaatigitinneqarsinnaapput.

Ilanngaateqartitsisoqarsinnaanngilarli angalanermi ullormusiaqartitsisoqarpat imaluunniit angalanermut tapisiaqartitsineqarpat akilerartarnermi inatsimmi § 34, imm. 1, nr. 8 malillugu akileraaruteqaataasussaannngitsunik.

### **Najugaqarnermut immikkut aningaasartuutit.**

Kalaallit Nunaanni illoqarfittut angerlarsimaffiup/nalinginnaasumik suliffiup avataani najugaqarnermi akeqanngitsumik inissaqartitsisoqartillugu - sulisitsisumiit, imaluunniit taassuma ineqarneq akilerpagu - taassuma nalinga akileraaruserneqassanngilaq, akilerartartup pineqartup initoqqani/najugatoqqani piginnarpagu.

90

### **Pisuussutit**

Nakkutilliinermut tunngatillugu tamakkiisumik akilerartussaataasut, aningaasarsiat B-t akileraaruteqaataasussaannngitsut sipporlugit B-nik aningaasarsiallit pisuussutitik nalunaa-rutigissavaat. Pisuussutit akileraaruserneqassanngillat.

Pigisatit nalillit naligititaasoq malillugu sammisaq 90-imi nalunaarutigissavatit, ilaatigut aningaaserivinni uninngasuutit il.il. aktiat, aningaasaliissartunik piginneqatigiiffimmi uninngasuutit allallu.

Uninngasuutit ilaasa nalingi Akilerartarnermut Aqutsisoqarfiup paasissutissatut ikkute-reerpai, kisianni annertussusai mississortariaqassavatit. Aningaasat naqeriikkami taane-qartut isumaqatiginngikkukkit, kisitsisit eqqortut sammisaq 90-imi nalunaarutigissavatit.

- 91** Namminersortutut ingerlataqaruit sammisaq 91-imi nammineq ingerlatannut aningaa-saliissutitit tamaasa nalunaarutigissavatit.
- 92** Akiitsut tamarmiusut, aningaaserivinnut, kontoqarnermut aaqqissuussanut, isumannaat-sumik qularnaveeqquteqarluni taarsigassarsisarfinnut (realkredit), BSU-mut aamma ESU-mut allanullu, sammisaq 92-imi nalunaarutigissavatit.
- Akiitsut ilaasa nalingi Akileraartarnermut Aqutsisoqarfiup paasissutissatut ikkutereerpai, kisianni annertussusai mississortariaqassavatit. Aningaasat naqeriikkami taaneqartut isu-maqatiginngikkukkit, kisitsisit eqqortut sammisaq 92-imi nalunaarutigissavatit.
- 98** Nunatsinni illumik pigisaqaruit sammisaq 98 angissavat.
- 99** Nunatta avataani illumik pigisaqaruit sammisaq 99 angissavat.
- S1U qup. 4** Akileraartarnermut Aqutsisoqarfiup suliffeqarfiup CVR-normua atialu nalunaarsorpaa.
- Suliffeqarfinnik arlalinnik immikkut tamarmik CVR-normoqartunik ingerlataqaruit CVR-normunut tamanut immersuiffissaq immersussavat.
- Ukiup ingerlanerani suliffeqarfik unissimappat CVR-normu sammisami 100-mi 101-milu nalunaarsorneqassaaq.
- Nalunaarsornerani nalunaarutigaat suliffeqarfiup unissimanagera ingerlajunnaarsimanageralu. Tamanna isumaqarpoq suliffeqarfik CVR-register-imi peerneqarnissaa aamma isumagissagit.
- 120** Naaminersorluni ingerlatap kaaviiartitai nalunaarutigissavatit. Malugiuk, kaaviiartitat naalunaarukku ukiup aallartinnerani naanerani ilinnut akiitsullit ilanngutissagakkit.
- Aalisartut piniartunullu kalaalimineerniarfinnut, nerisaqarfinnut inuinnarnut allanullu tunisat tamarmiusut pineqarput.
- 121** Ukiup ingerlanerani tunitsivinnut tunisat tamarmiusut nalingi

nalunaarutigissavatit.

Akileraartarnermut Aqutsisoqarfiup paasissutissat tigusimasani tunngavigalugit 2018-imi tunitsivinnut tunisat tamarmiusut katinnerat nalunaarsimavai.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 121-mut nalunaarutigissavatit.

**122** Namminersorluni ingerlatap nioqqutissanik atuinera nalunaarutigineqassaaq, soorlu nioq-qutissiassanik pisineq, nioqqutissiassanut atugassanik pisineq, nioqqutissanik poortuiner-nullu pisiat. Eqqaamassavat quimi uninngasuutit annertusinerat/annikillineralluuniit na-leqqussaaticgissagakku.

**123** Akileraartarnermut Aqutsisoqarfiup suliffeqarfimmit sulisut akissarsiaanun aningaasartuutit nalunaarutigineqartut katinnera nalunaarsorpaa.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 123-imut nalunaarutigissavatit.

**123a** Akileraartarnermut Aqutsisoqarfiup aalisarnermut tungatillugu kattuffimmit ilaasortaanermit aningaasartuutit nalunaarutigineqartut katinneri nalunaarsorpai.

Aningaasat naqeriikkami taaneqartut isumaqatiginngikkukkit, kisitsisit eqqortut sammi-saq 123a-mut nalunaarutigissavatit.

**123b** Namminersorluni ingerlap ingerlatsinermit aningaasartuutai allat, tassa allaffissornermit, angallassinermut, telefonimut, aningaasartuutit il.il. nalunaarutigineqassapput

**124** Akileraartarnermit nalikilliliinerit tamarmiusut nalunaarutigissavatit. Nalikilliliinerit naat-sorsuutini sukumiisumik ersersinneqassapput

imaluunniit skema S10-mi nammineerluni nalunaarummut ilanngunneqartumi.

**125a + b**

Immikkut ittumik iluanaaruteqartoqarpat / aningaasartuuteqartoqarpat nalunaarutigissa-vatit. Tassaassinnaapput pigisap nalillip assigisaallu tunineqarneratigut iluanaarutit annasaqaatilluunniit. Imikkut ittumik isertitat iluanaarutilluunniit sammisami 125a-mi allanneqassapput imikkullu ittumik aningaasartuutit ajunaarutilluunniit 125b-mi allanneqassallutik. Aammalu aningaasartuutit allanut inissikkuminaatsut taakkunani inissin-neqarsinnaapput.

**126a + b**

Namminersorluni ingerlatap erniatigut isertitai sammisami 126a-mi nalunaarutigissavatit aammalu namminerluni ingerlatap ernianut aningaasartuutai sammisami 126b-mi nalu-naarutigissallugit.

Malugiuk, naaminersorluni ingerlatap erniatigut pissarsiai matumani nalunaarutigineqar-tut, sammisani 20-29 immaluunniit 50-59-imi nalunnaarneqassanngimmata. ESU-mut akiitsut erniaat matumani ilanngunneqarpata, soorlu assersuutigalugu namminersorluni ingerlatap ernianut aningaasartuutaanik, taava sammisaq 52-imi kisitsit 0-nngorlugu allanneqassaaq.

**127**

Namminersorluni ingerlatap naatsorsuutitigut angusaa akileraaruteqaataasusaaq nalunaa-rutigissavat. Kisitsisit sammisani 120-miit 126b ilanngullugu allatorneqartut katinnera-tigut angusap inernera allanneqassaaq. Katinneranni angusaaq amigartoorutaappat, kisitsit allanneqartussap siorngani minusimik nalunaaqutserlugu allanneqassaaq.

**128**

Namminersorluni ingerlatap iluanaarutaanik piginneqataarnermusiat procentinngorlugu nalunaarugissavat. 100 % -mik nalunaarsimagukku sammisami 127-mi nalunaarneqarsi-masumit tamakkiisumik akileraartinneqassaait. Procentinngorlugu nalunaarutigisat 100-mik mikineruppat tamaallaat isertitatut nalunnaarutigineqartup procentinngorlugu nalu-naarutigineqartup nalinganit akileraartinneqassaait, piumasaqaataalluni namminersorluni ingerlatap CVR-mi (Det Centrale Virksomhedsregister) arlariinnik pigineqartumik nalunaarutigineqarsimanissaa.

Procentinngornagu aningaasanngorluguli nalunaarutigigukku tassaangaaniit akileraar-tinneqassaait piumasaqaait qulaani taaneqartut

naammasineqarsimappata.

- 129** Atortutigut pigisat nalillit nalingisa katinneri nalunaarutigineqassapput (tigussaannigitsut tigussaasullu pigisat aamma aningaasaqarnikkut) soorlu pioreersup pitsaaqutaa (good-will), illut, maskiinat pequtit il.il.
- 130** Namminersorluni ingerlatap kaaviiartitsinermi pigisai tammarmiusut nalunaarutigissa-vatit, soorlu quimi uninngasut nalingi, ilinnut akiligassallit nalingi aningaasallu tigori-aannaat annertussusai.
- 131** Namminersorluni ingerlatamut nammineq aningaasaliissutigisaaq uninngasuut nalunaaru-tigissavat.
- 132** Namminersorluni pigisat nalillit tamarmiusut katinnerisa qanorlu aningaasalersorneqar-nerisa tamarmiusut katinnerisa naligiissinerat nalunaarutigissavat.
- 140** Nunatta avataani akileraarutininik akiligaqarsimaguit ”AAP” krydsilissavat ilanngullugulu/nassiullugulu Akileraartarnermut Aqutsisoqarfimmut akiliisimanermut uppersaataat.

Nunanut allanut iluanaarutisianit akileraarutininik akiligaqarsimaguit akilersimasatit uani allasavatit, taamaallaalli annertussuseqartumik iluanaarutisiamit akileraarutip nunap akileraarfigisavit pisassarititaanik, marloriaammik akileraaruserneqannginnisaaq pillugu isumaqatigiissut malillugu. Akiliutigisimasap uppersaataataa Nammineerluni nalunaarsuummut ilanngunneqassaaq/nassiuteqatigineqassaaq.

Akileraarutissap naatsorsorneqarnerani nunanit allanit iluanaarutisianit isertitanut tunngasumut kalaallit nunaannut akileraarutissaaq millisaavigineqassaaq. Millisaavigineqarneq killilerneqassaaq nunanut allanut iluanaarutit akileraarutaannik, tamaallaalli annerpaamik nunap pisassarititaanik, marloriaammik akileraaruserneqannginnisaaq pillugu isumaqatigiissut malillugu.

Assersuutigalugu qallunaat nunaanniit aktie-nit iluanaarutisianut akileraarutaasusaaq 15 %-imut millisinneqassaaq, Qallunaat Nunaata annerpaamik pisussaataaffianut, Kalaallit Nunaata Qallunaallu Nunaata



marloriaammik akileraaruserneqannginnissaq pillugu isumaqatigiissut malillugu. 15 % saniatigut SKAT Danmark-imi qallunaat nunaannit aktie-nit iluanaarutit akileraarutaannik utertitsiniartoqarsinnaavoq.

**150**

Ukiup ingerlanerani illumik, umiatsiamik, biilnik kiisalu pequtinik annertuunik ima-luunniit kingornussanik, tunissummik sillimmasiisarfinniillu aningaasarsisimaguit tassu-nga ilanggullugit soraarnerussutisiassanut ataasiaannarluni ataatsikkut tunniunneqartusanut ileqqaakkat (kapitalpension) uani nalunaarutigissavatit.

Kiisalu immikkut oqaaseqaatit uani sammisami nalunaarsinnaavatit.